

DAJTE DA VAM SE PRIZNA ZNANJE ZANATA

UVOD

Ako imate stručno znanje i iskustvo iz nekog zanata, ali nikad niste završili šegrtstvo ili stekli zvanične kvalifikacije u Australiji, možete predati molbu Tribunalu Novog Južnog Velsa za stručnu obuku (NSW Vocational Training Tribunal - VTT) da vam procijene stručno znanje zanata. To možete učiniti bez obzira da li ste stručno znanje stekli putem školske obuke ili radnim iskustvom, bilo u Australiji ili u inostranstvu.

Ako vam VTT prizna stručno znanje, izdat će vam svjedočanstvo o zanatu (trade certificate) koji je prihvaćen diljem Australije i bit će zvanično priznati kao zanatlija. Ovakvo priznavanje podržavaju i savezna (Commonwealth) i državna (State) vlada, poslodavci, sindikati i oni koji vrše obuku.

Šta je VTT?

NSW Vocational Training Tribunal (VTT) se sastoji od predstavnika industrije, registrovanih organizacija za obuku i predstavnika Novog Južnog Velsa za stručnu obuku (NSW Commissioner for Vocational Training).

Opaska: VTT ne može vršiti procjenu stručnog znanja zanata za osobe koje podnose molbu da se dosele u Australiju. Za informacije prije doseljavanja kontaktirajte Priznavanje zanata u Australiji (Trades Recognition Australia) na broj 02 6121 7456.

O SVJEDOČANSTVU O ZANATU

Zašto da nabavim svjedočanstvo o zanatu?

Da biste radili u nekim zanatima, nije uvijek neophodno da imate svjedočanstvo o zanatu. Međutim, svjedočanstvo o zanatu vam može biti vrlo korisno u sljedećim slučajevima:

- **Ako ste nezaposleni**, vaše šanse da nađete posao se mogu poboljšati, jer svjedočanstvo o zanatu kazuje poslodavcima da imate stručno znanje za posao. Neki poslodavci zapošljavaju jedino osobe sa svjedočastvom o zanatu.
- **Ako želite da budete unapređeni ili da dobijete bolji posao**, svjedočastvo o zanatu vam možete povećati šanse. Zanatlije sa svjedočastvom su obično bolje plaćeni nego osobe bez potvrde o zanatu.
- **Ako vam treba dozvola (licenca) da radite u svom zanatu**, lakše ćete je dobiti ako već imate svjedočanstvo o zanatu.
- **Ako želite da se usavršavate u svom zanatu**, lakše ćete se upisati na neki kurs ako već imate svjedočastvo o zanatu. Ili može vam se priznati napredni status, pa da brže završite kurs.

Ko može da preda zahtjev za svjedočastvo o zanatu?

Vi možete predati zahtjev za svjedočastvo o zanatu ako možete dokazati da imate stručno znanje da radite kao zanatlija. Na primjer, treba da imate nekog dokaza za sljedeće:

- Da ste radili u nekom određenom zanatu najmanje četiri godine (bilo u Australiji ili u inostranstvu), ili
- da ste završili šegrtstvo ili neku drugu zanatsku obuku (bilo u Australiji ili u inostranstvu), ili
- da ste završili neki priznati program industrijske procjene.

KAKO DA APLICIRATE

Kako da predam molbu za priznavanje zanata?

Da biste predali molbu za svjedočanstvo o zanatu treba da:

- nabavite formular za molbu od Tribunala za stručnu obuku (VTT) ili od svog najbližeg Državnog centra za obuku (State Training Centre - STC)
- ispunite formular molbe
- priložite dvije svoje fotografije veličine kao za pasoš, koje nisu starije od šest mjeseci, i da ih na poleđini potpišete onako kao se obično potpisujete
- priložite bilo kakav dokaz o školskoj spremi u zanatu (npr. kvalifikaciju) plus dokaz da ste radili u zanatu
- priložite ovjerene fotokopije svih dokumenata koje ćete predati
- priložite pristojbu za molbu
- predajte molbu u bilo kom STC uredu, ili donesite je ili pošaljite poštom u VTT.

Da li treba da platim pristojbu za molbu?

Da. Kad predajete molbu za priznavanje zanata, treba da platite pristojbu Ministarstvu za obrazovanje i obuku Novog Južnog Velsa (NSW Department of Education and Training -DET). Ako bude potrebno da polažete test iz zanata ili da se podvrgnete procjeni vaše radne sposobnosti, morat ćete platiti jednu određenu pristojbu i za tu uslugu.

Cjenovnik pristojbi

Molba za priznavanje zanata	\$150.00
Test iz zanata	\$275.00
Daljni test iz zanata u slučaju žalbe	\$275.00
Radna procjena	\$275.00
Zamjena svjedočanstva o zanatu	\$30.00

Pristojbe se mogu uplatiti lično putem EFTPOS-a, bankovnim čekom, novčanom uplatnicom (money order) ili u gotovini. Ako molbu šaljete poštom, onda možete platiti jedino bankovnim čekom ili novčanom uplatnicom (ne gotovinom). Bankovni čekovi ili novčane uplatnice treba da se ispostave na NSW Department of Education and Training.

Ni jedna od tih pristojbi se ne može refundirati. Neki sindikati pomažu svojim članovima oko troškova vezanih za nabavku svjedočanstva o zanatu. Za više informacija kontaktirajte Sindikat Novog Južnog Velsa (Unions NSW) na 02 9264 1691.

KONTAKTNI PODACI

Za više informacija kontaktirajte:

NSW Vocational Training Tribunal Unit

Level 12
1 Oxford Street
DARLINGHURST NSW 2010
Locked Bag 53
DARLINGHURST NSW 1300

Telefon: 02 9266 8450
Faksimil: 02 9266 8059
Radno vrijeme: od 8.30 prije podne do 4.30 poslije podne, od ponedjeljka do petka

ILI dođite do informacija putem interneta na <http://apprenticeship.det.nsw.edu.au/>

ILI kontaktirajte svoj lokalni State Training Centre (STC) na telefon 13 28 11.

Prevodilačke usluge

Za **prevodilačke** usluge kontaktirajte:

Community Relations Commission for Multicultural NSW

Level 8
175-183 Castlereagh Street
SYDNEY NSW 2000

Telefon: 1300 651 500